



## Quotidiana Christiani Militis Tessera

Stanyhurst, Guillaume

Coloniæ Agrippinæ, 1682

3. Dies Maii. Tres cruces in uno loco erant: in una latro liberandus, in altera latro damnandus, in medio Christus, alterum liberaturus, alterum damnaturus. S. August. Epist. 48.

---

---

**Nutzungsbedingungen**

[urn:nbn:de:hbz:466:1-55659](https://nbn-resolving.org/urn:nbn:de:hbz:466:1-55659)

Tolle aurum, nullum stringetur ferrum. Aperi divitum thecas, & apothecas, & claudes Martis januas. Imminue opulentis opes, & nullus per campum debacchabitur miles. Sola ad bellum avaritia canit bellicum. Nam propter pecuniam multi evomunt purpuream, sine purpura animam: multi aut jugulant, aut jugulantur. Hoc vitium facilius ab omnibus arguitur, quam expellitur. Utinam tanto illud prosequeremur odio, quantum meretur! Sed ne ego inolito penso desim, hoc adstruo theorema, quod canit Poëta,

*Si studeas nummis, praefers mox infima summis.*

### 3. DIES MAII.

Tres cruces in uno loco erant: in una latro liberandus, in altera latro damnandus, in medio Christus, alterum liberaturus, alterum damnaturus. *S. August. Epist. 48.*

Crucis I.  
timor.

**C**RUX hodie inventa debet nobis esse fax, qua ardeamus eam invenire. Quisquis optat post nubila phœbum, post tenebras lucem; quærat cum Helena crucem. Sed cum (uti monuit tessera) sint ternæ cruces, rejicienda est illa, in qua malus, eligenda altera, in qua bonus latro, sed & præeligenda etiam huic est ea, in qua pendit medius, inter homines, ac Deum mediator. Hic anima medio tutissima pendet: ut libens sic pendeas,



deas, non illibenter hæc tecum expende. Tota Christi vita, à primo quo cœpit spirare momento, in utero matris, usque ad ultimum, quo expiravit in patibulo crueis, fuit perpetua crux. Non tunc tantum bajulavit crucem cum eam humeris ferret per plateas Jerusalem, sed cum esset infans unius diei, cum esset duodecim annorum puer, cum esset in domesticis latebris Josephi adolescens; cum esset matri subditus juvenis, cum prædicaret regnum Dei, jam vir. Pependit igitur in cruce, non tribus tantum horis, sed triginta tribus annis. Tunc tantum desiit pati, quando incepit mori.

II. Vult ille, cujus voluntas, volendi est regula, ut & nos crucem accipiamus, eumque cruciferi sequamur, qui est via, si volumus lauriferi assequi, qui est vita. Quid est crucem ferre, nisi paupertatem divitiis, dolorem voluptati, ignominiam honori præferre? Hoc nos jussit facere, & quæ jussit ipse, fecit. Cogita paupertatem quamvis gravem, cruciatum quamvis acerbum, contumeliam quamvis indignam; omnibus quæ potes concipere, quin & fingere, majora sunt quæ Christus pertulit. Quidquid ergò jussit præcepto, perfecit exemplo. Itaq; si ad credendum sapenumero, magis quam ratio, hominis ducit auctoritas, huc ubi Christus est docens, ubi Deus est imperans, omnium debet assensio totis viribus advolare. Deinde quis non debeat omnibus votis, tanquam votorum summam expetere, ut honoribus à Deo quantum potest maximis afficiatur? sed non habet honores Deus, neq; celsiores, neq; clariores iis, quos ipse sibi elegit, quibusq; impensè delectatus est. Hi autè sunt paupertas, ignominia, cruce;



cruces ; atque in societatem horum honorum nos semper admisit, quos ad gloriam elegit, & unicè dilexit. Hinc non unus, non pauci, non plures, non plurimi, sed ad unum omnes, (a) *Omnes*, inquit Apostolus, *qui volunt piè vivere, persecutionem patientur*. Si vis ergò Christum sequi, debes persecutionem pati.

III. Quod si cupidus es honoris & gloriæ, sita est in cruce, in qua pependit ille, cui soli debetur omnis honor & gloria. Si omnium ferè consensu, eo honoris, dignitatisque crux Christi processit, ut in Regum frontibus ex auro gemmisque conspicua resplendeat, cur dedecora, contumelia, ac cruciatus, qui non possunt esse sejuncti, adeò in hominum opinionibus viluerunt, ut nihil illis indignius, nihil turpius, nihil otiosius existimetur? si crucem in templis, aris, sacerdote veneramur, si in ædibus, in vestibus, in ipso diademate Regio, in corona Cæsarea, honoris causa defigimus, cur in opinione nostra omni honore spoliamus? cur eandem ex animis, ex pectoribus, ex cordibus nostris per contumeliam evellimus? nomen tantum, & imaginem retinemus crucis, rem, & significationem ejusdem repudiamus. Nam crucem existimamus illud solum esse lignum, vel æs, vel aurum, vel argentum, unde conflatur. Erramus, atque decipimur: etenim major pars ejus, in rebus continetur, quas tanto opere horremus, atque refugimus; videlicet damna, dedecora, exilia, verbera, tormenta, cruciatus, falsas accusationes, iniqua judicia, egestatem: dolores, mortem, quæ omnia crucis nomine intelliguntur. Denique toties

dicitur

(a) 2. *Timoth.* 3. 12.



Majus.

Tessera.

337

dicitur defunctis : Lux perpetua luceat eis : nunquam  
eris in cœlo particeps illius lucis, nisi fueris in terra a-  
micus crucis : ex præfatis exurget hæc veritas :

*Menti major erit lux, major quo fuerit crux.*

#### 4. DIES MAII.

Impietas est, unum Deum non colere,  
aut nunquam coluisse, aut quem cole-  
bat, demisisse. *Augustinus super Psal. 50.*

Impietas I.  
in Deum.

**H**Æc informis tessera, prode-  
t cuius sis classis : in quacum-  
que accensearis, necesse est,  
impius censearis. Quot sunt in  
mundo vani homines, utinam tantum vani, & non  
insigniter impii, qui cum sint à Deo, studiosius tamen  
colunt agrum quam Deum : qui neque Dei unquam  
reminiscuntur, ut ei serviant, neque ejus imperii, ut  
illi obediant, neque pauperum, ut illis succurrant,  
neque vitæ suæ, ut eam corrigant, neque conscien-  
tiæ, ut eam expient, quibus sola ad vivendum dux est  
corrupta natura : & sic pecudum ritu in pastum se  
totos abjiciunt; unumque illis est opus, scelera  
sceleribus accumulare; unus labor, Deum execran-  
dis flagitiis ad iracundiam provocare; adeoque cœ-  
lum, & terram abominabilibus criminibus infestare.  
O si quis es talis, omni ex parte es ipso qui est deter-  
rimus, dæmone deterior; si spectes naturam, est  
extra controversiam; si mores, si acta, & illud extra  
omnem dubitationis est aleam. Etenim dæmonis

*Pars II.*

Y

per-